





東國史略
 附百夷傳
 舊抄
 四本



東國史略卷之一

檀君朝鮮

東方初無君長

種夷有九

有神人降于太白山

在今寧邊府

妙香山檀木下國人立為君唐堯二十五年戊辰國號朝鮮在東表日

出之地故曰朝鮮索隱都平壤徙白岳後入阿斯達

山今山為神是為檀君名王儉古紀云檀君與堯並

年會過千蓋傳世歷年數非檀君壽也

箕子朝鮮

周武王克商箕子率中國人五千入朝鮮武王因封之都平壤是為後朝鮮教民禮義田蠶織作設八條

之教相殺以當時償殺相傷以穀償相盜者男沒入為其家奴女為婢款自贖者人五十萬雖免為民俗猶羞之嫁其民終不相盜無門戶之閉婦人貞娶無所售信不淫辟飲食以適豆有仁賢之化其後子孫稍驕
霄燕乃攻其西滿潘汗為界朝鮮遂弱至四代孫
否屬於秦子準立為衛滿誘逼浮海南奔

衛滿朝鮮

燕人衛滿曰盧綰亂漢高祖時王綰叛亡命來渡沮水即今大
江誘逐箕準據王儉城即平壤今仍號朝鮮至孫右渠不
奉漢詔武帝遣公孫遂滅之

四郡

葉氏藏書

漢武帝討右渠分其地為樂浪壤臨屯東踰縣今江陵玄菟

東沃沮城今咸鏡地真蕃雲

二府

漢昭帝以平那玄菟郡為平州都督府臨屯樂浪郡
為東府都督府

三韓

馬韓今地全箕準避衛滿浮海居韓地金馬郡今益號
韓王其民土著知蠶桑作繇布性勇悍居處作土屋

其戶向上統國五十四後百濟王溫祚并之自箕子
千餘年

辰韓今慶州秦亡人避入韓韓割東界以與之常用馬
韓人作主地宜五穀俗饒蠶桑善作縑布乘駕牛馬
男女有別行者讓路統國十二

弁韓弁一作平壤卞立國於韓地不知其始祖年代屬於

辰韓亦統十二國權近日後漢書以為卞韓在南辰

者蓋自漢界遼東之地而云耳非謂卞韓在辰馬二

三國 新羅 高句麗 百濟

新羅始祖赫居世立漢宣帝五初高墟村長蘇伐公

得大卵於羅井林間剖有嬰兒養之岐嶷夙成六部

朝鮮遺民居東海濱分為六村或曰六部異之共立為君號居西千方言

東國志

都辰韓地國號徐羅伐以朴為姓俗以瓠為朴所剖

立閼英初龍見於閼英井右脇生女為妃妃能內輔

人謂之二聖王巡撫六部勸督農桑不伐馬韓之喪

使民敬讓樂浪來侵見夜戶不扃服其有道引兵退

東沃沮稱為聖人沃沮在麗之東北連挹婁南接遣

使獻馬卞韓以國來降權近日羅祖關英之生皆恠

之衆淳朴無知間有一為說說者高句麗始祖朱蒙

立漢元帝建昭二年先是東扶餘王金蛙扶餘王

老無子求嗣祭山川所御馬至鯢淵見大石相對而

淚轉石有小兒金色蛙形喜而養之名曰金蛙及長

立為太得河泊女柳花於太白山南優渤水在今寧

出於室中為日影所炤而娘生一卵蛙欲剖之不能
母裹置暖處有男子破殼而出骨表英偉七歲自作
弓矢發無不中名為朱蒙扶餘俗謂善射者為朱蒙蛙七子忌欲
殺之朱蒙乃與烏夷陝父摩離等行至淹澗水無梁
祝曰我天帝子河泊外甥今日逃亂追者將及奈何
於是魚鼈成橋得渡橋解追兵不及至毛屯谷遇三
賢麻衣衲衣水藻衣俱至卒本扶餘今成川府其王無子妻以女
生沸流及温祚王薨朱蒙嗣自稱高辛之後國號高
句麗因姓高時沸流水上松壤國王以國來降封為
多勿侯麗語復舊土為多勿又滅荇人國在太白山東南即今三陟府及北

葉氏譜書

沃沮一名置溝委北接挹婁挹婁在不咸山北東瀆大海多山險人多勇力土氣寒常居穴弓長四尺矢用楛青石為鏃高句麗王母柳花卒於東扶餘

其王金蛙以太后禮葬之立神廟高句麗王朱蒙號東

明太子類利立移都國內即今義州又築尉那巖城朱蒙在扶餘娶禮氏有娘朱蒙去後乃生有奇節善彈丸誤中汲婦盆以無父被罵問於母知父所在搜柱下得父

斷遺劍持往卒本見王王以所藏新羅遣瓠公聘於

馬韓韓王讓之瓠公對曰我國自二聖肇興人事修
天時和倉庾充實人民敬讓辰韓十韓樂浪倭人無

不畏懷而猶謙虛遣下臣修聘反怒劫之何耶韓王
欲殺之左右諫乃聽還瓠公本倭人初以瓠渡海來

故號焉(百濟)始祖温祚立漢鴻嘉三年新羅始祖四十年父高句麗

王朱蒙以在東扶餘時所娶禮氏女子類利為太子

温祚與兄沸流恐不相容南行沸流居彌忽州今仁温

祚都河南慰禮城今稷國縣號百濟初以烏干寺十人

以百姓樂從後徙南漢山城今廣州又徙南平壤城漢

京以扶餘為民餘故云扶沸流以其都水土醜湿不能

居到慰禮見宮室之盛慚憤死(百濟)患韎鞞來侵韎鞞

在不咸山北與北沃沮相接古肅慎氏以族父乙音

有智識為右輔委兵事及卒以解婁代之神識淵與

年過七十督力不憊(百濟)王都有老嫗化為男(百濟)

葉氏藏書

遣使馬韓告遷都漢山仍定疆域北至涇河南限熊

川西窮大海東極走壤(百濟)王立東明王廟及國母

廟史臣曰百濟與高句麗自別為宗立東明之廟則

百濟漢城人家馬生牛一首二身日者曰牛一首二

之應也王喜遂有(新羅)王赫居世薨在位六年太子南

解立漢元始號次次雄或云慈充方言巫蓋神(新羅)

有昔脫解者身長九尺風神秀朗智識過人精專學

問兼通地理王妻以女為大輔委以軍國政事多婆

王娶女國女生大外置檀中浮海至阿珍浦老嫗開

解檀有兒養之以檀來時有鵲隨鳴省鵲以昔為姓以

那巖城太子鮮明不隨恃強力結怨鄰國鮮明番都黃龍國王

贈強弓解明對其使擊折之王賜死太子曰父命不可逃乃往礪

津原以槍挿地走馬觸槍死年十二王奔發高句麗兵

伐胡王不款從奔遣巖尤擊之降封王為下句麗侯

高句麗王類利薨天鳳號琉璃明王太子無恤立以

乙豆智為左輔高句麗王北伐扶餘北溟人恠由道

言從征拔劔大號直進斬扶餘王帶素其季弟皆金蛙之

子自立為王移都曷思水濱從弟率國人來降賜姓

絡氏背有絡文故也新羅王南解薨遺命朴昔以年長相襲

太子儒理立漢更始號尼師今儒理讓于昔脫解脫

葉氏藏書

理多齒立之尼師今方言齒理也百濟始祖温祚薨太子多婁王立

漢建武四年新羅分六部為二仍賜姓鄭崔孫二部有會

蘇曲王女每年自七月既望率部內女子會大部庭績麻夜分罷至八月十五日校功負者置酒謂

蘇曲蘇曲非作會新羅改官制置十七品尺食曰迎食曰伊

波珍食曰大阿食皆授真骨王族曰阿食曰一吉食

曰沙食曰級代食曰大奈麻曰奈麻曰大舍曰舍知

曰吉士曰大鳥高句麗王以貪暴廢沸流部長仇都

曰小鳥曰造位逸苟焚永為遮人舉鄒勃素代之三人詣堂下謝罪

勃素曰人孰無過過而能改則善莫大焉仇都等感

愧不復為惡高句麗王元妃恐王子好童以愛奪嫡

請無禮王疑之或勸自釋曰我若釋之是顯母之惡

昭父之憂遂伏劍死百濟始作稻田駕洛國即今金

始祖金首露之漢建武十九年初九干酋長駕洛無君臣位

首長為得金合於龜峯開視之有六金卵皆化為男奇

偉長大眾推始生者為主姓金氏曰金氏以始見名

首露國號大駕洛又稱餘五人各為五伽倻主曰阿

伽倻曰古寧伽倻曰大伽倻曰星山伽倻遣兵

伐樂浪以其地為郡縣薩水以北屬高句麗王無恤

薨號大武神王王拔恠由舉豆智以貪鄙斥仇都以

智能褒勃素征蓋馬城樂浪扶餘奔竄而自避勾茶

畏威而來降然信內讒殺賻子好童惜也太子解憂

葉氏藏書

幼王弟解邑朱立建武二十年高句麗王解邑朱薨號閔

中王前王太子解憂立建武二十四年暴疾不仁不恤國事

坐必籍人卧則枕之人或動搖輒殺之有諫者射之

百姓多怨杜魯弒之號慕本王在位六年國人迎琉璃王

子再思之子宮立之建武九年是為太祖王新羅王儒

理薨王存問鰥寡孤獨賑老病隣國人聞而歸之者

眾然從父亂命卒傳之昔氏非貽謀燕翼之道也在

三十四年昔脫解立漢中元二年南解王史臣曰新羅朴氏為

八金氏為王者三十八是新羅者金氏之新羅非朴

宜以瓠公為大輔遣宗戚朴氏分理州郡號州主郡

主(新羅)王得闕智小兒養為子姓金氏初王在間金城西始林間

有雞聲遣秘公視之有小金積掛樹稍白雞鳴于下

開檀視之有小兒王喜養為子名闕智姓金氏改始

林為雞林因以為國號。權近曰奸人見王以神異

得國故亦神異其子行詐而盜國如黃歇呂不韋之

也者(百濟)王多婁薨在位四十年太子已婁立(新羅)脫解

王薨王以南解之婚不當立而立又惑金積之說使

重麗卒歸之金氏然傳於儒理之子則善矣在位二十四年

婆娑王立儒理王子。漢章帝建初五年王節儉愛民勸農桑練兵

甲問高年賜穀分遣十人廉察州郡有不勤職事者

黜之築月城移都之在位三十三年薨太子祇摩立

漢安帝永初六年(高句麗)王與穢貊襲漢玄菟穢貊本朝鮮之地南與辰

葉氏藏書

韓北與高句麗沃沮接東接大海西至樂浪漢武帝

元朔五年穢君南閭叛降于漢以其地為滄海郡穢

即今江陵府高句麗王以其弟遂成統軍國事九

即今春州府都地震王夢一豹齧虎尾占者曰虎者百獸之長豹

之族類殆有謀絕大王之後者乎王不悅(高句麗)以

問高福章福章對以作善則災反為福穆度婁為左輔高福章為右輔與叅遂成政度婁知

遂成有異心稱疾不仕(百濟)王已婁薨在位五年太子

蓋婁立(新羅)祇摩王薨在位二十二年儒理王子逸聖漢陽

嘉三(高句麗)王傳位於弟遂成高福章諫曰遂成恐

而不仁今日受禪明日害大王之子孫不聽史臣曰

地震之日或者占夢之時福章泛言福善禍淫遂成

立年七十六漢高句麗王遂成殺右輔高福章臨

刑歎曰今君以不義殺一忠臣吾與其生於無道之

時不如死之速也乃即刑高句麗王遂成殺太祖王

元子莫根其弟莫德恐禍及自縊死新羅王逸聖薨

王置政事堂修堤坊闢田野又禁民用金銀珠在位二十

年子阿達羅王立漢永興二年新羅置迎日縣東海濱有二人夫曰

迎烏妻曰細烏迎烏漂至日本國小島為王其細烏尋其夫漂至其國立為妃人以迎烏細烏為日月之

精至是置開竹嶺路在豐縣高句麗前王宮薨壽百十

臨明答夫弑其君遂成號次大王立其弟伯固伯固

乃以臨明答夫為相國以前王太子鄒安為

葉氏藏書

葉氏藏書

桶村有一女執之王聞而異之微行幸其女生
子回以知承而得名曰却承後改名夏位居(百濟)

肖古王薨十九年在位四年子仇首王立建安十高句麗王延

優薨是為山上王在位十一年太子優位居立魏明帝太

新羅奈解王薨在位十五年三塔助貴王立大和四年助

骨正子百濟仇首王薨在位十一年肖古王弟古尔王立

魏青龍新羅助貴王薨在位八年弟沾解王立魏正始

封父骨正為立神葛文王新羅追封王皆魏遣幽州

刺史毋丘儉屠高句麗九都城王奔南沃沮魏兵退
 王還國移都平壤初王至竹嶺軍士盡散東部人密友者募死士與之赴敵力戰王間
 行得脫魏軍追不止東部人紐由詐降入魏軍藏刀
 食器刺殺魏將與之俱死魏軍還國論二人功為
 第一高句麗東川王憂位居薨在位十二年太子然弗立魏正
 始九東川之薨國人懷德莫不哀傷近臣至欲自殺
 以殉及葬至墓自死者甚多倭使葛耶古聘新羅王
 使昔于老儻之于老戲言早晚以汝王為益奴妃為
 繫婢倭主聞之遣將伐新羅于老以由已致寇單騎
 赴倭軍謝倭人執之燒殺之後倭使來于老妻請王
 私饗之及其醉使人執而焚之于老奈解王子訖解王之父嘗伐甘文沙

葉氏藏書

代兩國有 高句麗王殺其夫人貫那王后祿氏恐貫那專寵諧於王
 貫那懼又諂后於王王怒以革囊盛之投西海百濟改官制置內臣佐平掌宣納事
 內頭佐平掌庫藏事內法佐平掌禮儀事衛士佐平掌宿衛事
 朝廷佐平掌刑獄事兵官佐平掌外兵馬事又置達率
 二恩率三德率四杆率五奈率六將率七施德八固
 德九季德十對德十一文督十二武督十三佐軍十四
 品振武十五新羅沾解王薨在位十五年味鄒王立魏景
 年王姓金闕智七世孫助貴王以女妻之王薨無嗣國人立之百濟立犯賊之
 禁凡官人受財及盜者三倍徵賦禁錮終身新羅以伊飡良夫為舒弗耶
 兼知內外兵馬事高句麗中川王然弗薨在位二十

子藥盧晉泰始六年殺其弟逸友勃素初二人詐稱病往

言悖逆王令力肅慎侵高句麗屠邊氓王遣弟達賈士執而殺之

伐之拔檀盧城殺酋長封達賈為安國君新羅味鄒

王薨在位二年儒禮王立晉太康五年味鄒問高年親政刑

訪民疾苦不營宮室有人君之德百濟古尔王薨在位

五年太子相夫立晉元康以其叔父安國君達賈有大

功國人所倚望又謂其弟咄固蓄異心皆殺之國人

知其無罪惜之燕慕容廆屢侵高句麗國相倉助利

乃薦北鄙大兄高奴子為新城大守善政有威聲廆

葉氏藏書



不復來侵伊西故國今清道郡攻新羅金城新羅禦之不

能克忽有異兵皆珥竹葉助羅軍擊賊破之竟不知

所歸人或見竹葉數萬積於味鄒王陵前曰號竹長

陵史臣曰伊西國已於漢建武十八年為新羅所滅

而復於晉元康七年攻新羅金城豈滅而復起耶

新羅王賜印觀署調二人爵初印觀賣縣於市署調

攬綿墮於印觀家印觀取還于署調署調以天與却

不受印觀乃還其本穀署調以膏已久矣拒之并棄

於市市官聞于百濟王責稽為貊兵所害在位十子

汾西王立永康八年新羅儒禮王薨在位十年助賁王孫基

臨王立元康八年高句麗國相倉卒利廢其王相夫立乙

弗為王晉永康元年乙弗相夫弟咄固之子出遼

水室村人陰年家傭作

東國史略卷之一

漢樂浪太守遣刺客刺殺百濟王汾西在位七年比流王

立晉元興元年汾西諸子皆知國人立新羅王基

臨薨在位十年訖解王立晉永嘉四年角于老子

忘父之讎聽昏島夷終受侵辱昔氏之祀於是絕矣

高句麗美川王乙弗薨在位三年太子斯由立改名劄

六年和燕王慕容皝攻陷九都城發美川王墓載其

尸虜王母王妃以歸後王稱臣輸貢還百濟比流王

薨在位四年契王立汾西王子百濟契王薨在位三年近

肖古王立比流王子新羅訖解王薨在位七年柰勿

王立柰勿姓金氏味鄒弟末立金氏為妃味鄒百濟

葉氏藏書

王大舉侵高句麗王拒戰中流矢薨在位四年是為故

國原王太子丘夫立晉文帝咸安元年移都漢山秦王符

聖遣使送浮屠順道及佛像佛經于高句麗高句麗佛法始

此百濟近肖古王薨在位三年太子近仇首立晉寧康

百濟自開國以來未有文字近肖古以高興為博士

始有書記百濟近仇首王薨在位十年子枕流王立晉大

年胡僧摩羅難陀自晉至王迎置宮內禮敬焉始立

大學頒律令高句麗小獸林王薨弟伊連立大元百

濟枕流王薨在位三年弟辰斯立大元設關防自青木嶺

北距八坤城西至于海高句麗故國壤王伊連薨在

九太子談德立七年元十是為廣開土王(百濟)王改于
 狗原薨於行宮在位八年阿莘王立八年元十以其舅真武
 為左將委以兵事武沉毅有大略(新羅)奈勿王薨在
 七年嗣子幼國人立實聖晉元興元年實聖金關智裔孫王以未
 斯品為舒弗委以軍國事(百濟)王阿莘薨在位十年太
 子腆支立晉義熙元年腆支有倭國仲弟訓解攝
 支聞王計請倭主歸國倭主遣還以兵衛送(新羅)王
 至國界聞友依海島國人殺磔禮迎立為王
 聞倭人置營於對馬島謀將襲之未斯品諫而止高
 句麗王談德薨王嘗下令崇佛求福立國社修宗廟
 在位十二年子臣璉立是為長壽王義熙九年(新羅)訥祗王奈
 勿

葉氏藏書

王弒實聖王自立號麻立干取表位之稱初奈勿
 實聖怨之及為王欲害其子訥祗(新羅)軟良州干朴
 以報之訥祗怨王弒之
 堤上不屈倭死之初訥祗王弟卜好有高尚句麗未斯
 州干朴堤上勇而有謀召問之堤上請行遂往說高
 句麗王與卜好同還又請囚家屬詐為叛者入倭國
 倭人不疑使與未斯欣同處一日堤上言益抗倭主愈怒
 還倭主怒縛堤上諭以禍福堤上言益抗倭主愈怒
 刺足皮刈蕪葭使趨其上更問之答如右乃燒殺之
 王聞之哀痛贈大阿食使未斯欣娶其弟二女王得
 見二弟置酒極歡作憂息曲堤上妻上(百濟)腆支王
 鴉述宿望倭國慟哭而死仍為鴉述神
 薨在位十年子父尔辛立宋高祖永八年薨子毗有立
 宋元嘉二十九年薨子餘慶立是為蓋鹵王(新羅)教
 四年 民牛車之法王親養老於南堂賜穀帛有差(新羅)訥

祗王薨在位四年子慈悲王立宋大明二年納未斯欣女為

妃高句麗王臣璉自將攻百濟殺其王餘慶初浮屠道琳應

募偽得罪已入百濟王好基琳曰臣基頗入妙王召與基果國手遂信昵之琳乃說王葺城郭修宮室蒸

土築城作石椁葬父骨倉廩虛竭人民窮困子文周

立宋元徽三年移都熊津即今公州耽羅國即今濟州來獻方物于

百濟耽羅在南海中初無人物有三神人從地湧出長曰良乙那次曰高乙那三曰夫乙那一日三

人獵海濱得石函開之有三女及諸駒犢五穀種遂分娶三女始播五穀養駒犢日就富庶或稱耽年羅

百濟兵官佐平解仇弒其君文周立太子三斤年十

三二年王命真老討殺解仇三年王薨東城王年大

立宋昇平三年弟昆支子瞻力過人善射起臨流閣於宮東高

葉氏藏書

五丈又穿池置囿以養奇禽諫臣抗疏不報恐有復

諫者閉宮門新羅有百結先生者家極貧衣百結時

人因號之慕榮啟期之為人常以琴自隨凡喜怒哀悲

歡不平之事必於琴宣之歲將暮隣里舂粟其妻聞

杵聲曰人皆有粟可舂我獨無何以卒歲先生仰天

歎曰死生有命富貴在天其來也不可拒其往也不

可追汝何傷乎乃鼓琴作杵聲以慰之世傳為碓樂

新羅慈悲王薨在位三年子炤智王立九年始置郵驛

市肆十年幸天泉亭得烏嚙書射琴匣王妃及內殿

焚修伏誅王幸天亭泉有烏嚙書來鳴得其書外面云開見二人死不開一人死日官奏云一

人者君也王開視之書曰射琴匣王入宮果有人乃
內殿焚修僧王妃引與潛通者也皆伏誅自是國俗
每歲是日以糲飯祭鳥又以龍馬猪鼠之異每
於歲首辰午亥子日設祭禁百事謂之怛怛高句

麗長壽王薨在位七年太孫羅雲立是為文咨王齊永

年新羅王納捺己群即今川女初王幸郡人波路獻

念屢至其第幸之路見老嫗問曰國人以王為何如
主嫗曰眾以為聖妻獨疑之王幸波路女屢微服而

行夫龍為魚服漁者所制今王不自慎重此是年冬
而為聖熱非聖乎王大慚潛逆其女納宮中

王薨在位十年無嗣再從弟智大路立齊永元四年始

定國號新羅稱王前此或稱新羅或稱斯盧言新者

德業日新羅者禁殉葬前此王薨殉以男女親定州

郡縣以金異斯夫為阿瑟羅州軍主伐于山國在溟

葉氏藏書

東海島降之在位十五年薨謚智證新羅謚元子原

宗立梁天監十一年是為法興王百濟考加弒其君年太子

餘隆立齊中興元年是為武寧王討考加誅之高句麗文

咨王薨在位九年太子興安王立梁天監八年是為安藏王

在位十三年薨弟寶延立新羅頒律令始制百官公

服新羅高句麗百濟三國並遣使朝梁新羅始行佛

法初訥祗王時沙門墨胡子自高句麗至一善郡即

善山郡山毛禮作窟室以居之至炤智王時有僧阿

道者與其徒亦來毛禮家往往有信奉者至是王欲

興佛教羣臣皆曰僧徒議論詭異若從之恐有後悔

近臣異次頓獨曰佛法淵奧不可不信王以為異言
 下吏異次頓曰佛若有神吾死必有異及斬血從斷
 處湧色白如乳衆恠之不復毀佛新羅以哲夫為上
 大等總知國事百濟移都泗泚即今扶餘縣國號南扶餘
 駕洛國王金仇衡降于新羅駕洛王自始祖至百二
 十年新羅法興王薨在位二十七年王始建年號曰建元自
初行中國年號至是立外官挈家之法真興王多麥
南北朝分裂故也宗立梁大同六年真拜異斯夫為兵部令掌內外
 兵馬事又選童男容儀端正者號風月主求善士為
 徒以勵孝悌忠信高句麗王寶延薨在位十五年是為安

葉氏藏書

原王太子平成立生而聰慧雄偉過人在位十五年薨
 太子陽城立陳永定三年是為平原王新羅金居漆夫與
 百濟兵擊取高句麗十郡以僧惠亮來王以亮為僧
 統始置百座講會及八關之法初漆夫入高句麗詣
強弱亮曰汝容貌非常流恐見執宜速返漆夫將還
亮曰子燕領鷹視他日必為大將無貽我害漆夫與
之相誓而來至是亮見百濟不知有侯景之亂遣使
于道左遂與之俱來如梁朝貢使者至見宮闕殘毀號泣端門之外見者

莫不洒淚伽伽樂師于勤知國將亂携樂器入新羅
 王命法知階古萬德等學樂伽伽王嘉悉製十二絃
琴命于勤造曲奏之名曰伽伽初晉人以七絃琴送高句麗人不知鼓之
 之法國相王山岳頗改其制以奏有玄鶴來舞遂稱

玄鶴琴又有玉寶高者入地理山學琴五十年傳續
命得續命得傳貴金貴金亦入地理山不出王恐琴
道不傳以伊飡允興為南原守俾傳其業允興遣長
清安清詣山中學之傳其所秘飄風等三曲安傳其
子亮宗亮宗兩製百濟王明禮帥兵侵新羅軍王金
音曲有平調羽調
武力擊殺之謚曰聖子昌立梁承聖三年在位四十五年
薨謚曰威德子李明立二年薨是為惠王子宣立二
年薨是為法王命博士李文真始修國史子璋立風
儀英偉志氣雄傑是為武王新羅王命修國史從伊
斯夫之請命大阿飡金新羅王命伊飡異斯夫討大
居漆夫等集文士撰之
伽仰即今高城之軍副斯多舍年十六先入梅檀門
伽仰靈縣立白旗異斯夫引兵臨之遂滅其
國王賞以良田及所虜三百口斯多舍以其田分與
戰士生口放為良人始與武官即約為死友及武官

葉氏藏書

死哭之慟新羅烈女際厚卒歸白雲初一達官同里
七日亦卒
男曰白雲女曰際厚二家約為婚媾白雲十五而盲
際厚父母欲改聘李俊平際厚密語白雲曰生同一
辰約為夫婦久矣遂潛出從俱行山谷間忽為俠客
所掠去白雲之徒金闌追殺俠客奪際厚以還事聞
王賜三新羅王舍新宮為皇龍寺鑄丈六像初皇龍
人爵見其地
因舍為寺有画工率居畫老松于壁鳥雀往來飛入
踏蹬而落後画色漫漶寺僧丹青補之鳥雀不復至
新羅廢源花置花即南毛二曰俊貞聚徒三百餘人
俊貞置酒勸南毛醉殺之其徒以告俊貞伏誅遂廢
源花更取美男子粧飾之名花即或道義相磨或歌
舞相悅邪正自新羅真興王薨在位三年王改元鴻濟
見擇而用之
又末年剃髮被僧衣自號法雲妃亦為尼子金輪立
陳大建以伊飡金居漆夫為上大等委以軍國事四
八年

東國史略卷之一

年薨謚真智太子銅輪子伯淨立是為真平王王生而有奇相身體魁梧志識沉毅明達新羅兵部令金后稷智證王之曾孫王好政獵后稷切諫不見聽臨死謂三子曰吾生不能匡救君惡雖死思有以悟君須瘞我於王遊畋路側其子從之他日王出畋中路若有聲曰王母去王顧問之從者曰来自后稷墓也仍陳臨死之言王流涕曰夫子生而忠諫死而不忘其愛我深矣終身不復獵新羅始置船府署大監弟監各一負又置禮部令二員與兵部令同位調府賦令二員一掌車乘高句麗平原王薨在位二十三年太子元立隋開皇十年是為嬰陽

葉氏藏書

王新羅國西秋大水漂没人戶三萬三百六十高句

麗代新羅不克其將温達死於兵温達容貌龍睡家甚貧常乞食養母

平原王有少女好啼王戲曰長必歸之温達及長將嫁高氏子女曰王者無戲言王怒曰從汝所適女出

宮門至温達家温達疑其狐魅女備言之勸温達擇國馬病瘦棄者養之會王獵樂浪丘温達以所養馬

行其馳騁常在人前王知其實備禮迎之至是請代新羅與羅軍戰於阿旦城下為流矢所中而死

新羅有大世者少有方外志嘗曰在此山谷間以終則無異池魚籠鳥吾將航海至吳越尋師訪道遂與友人仇漆自南海乘舟而去不知所終百濟使解離

攻新羅四城小監貴山第項死之又陷椽岑城縣令

譖德死之後其子金城幢主奚論又與百濟兵戰於

椴岑城死之新羅遣使如隋煬帝大業八年請師討高句麗
 許之帝親御師進至遼東麗兵阻水拒守命宇文愷
 造浮橋以渡麗兵大敗左翊衛將來護兒浮海先至
 涓水遇麗軍擊破之乘勝造城下為伏兵所敗大將
 軍宇文述于仲文等與諸將又分九道而出會於鴨
 綠水西高句麗大臣乙支文德詣其營詐降備觀虛
 實而還述等進軍至平壤城三十里見官軍疲弊城
 又險固度難猝拔且戰且行還至薩水隋軍半濟麗
 軍自後軍擊其後八軍俱潰唯衛文昇一軍獨全帝大怒鎖
 繫述等引還文德資盾沉鷲有智數兼解屬文○隋

葉氏藏書

大業九年帝復攻高句麗遼東城二十餘日不拔會
 楊玄感反書至帝大懼引軍還及十年帝復伐幸涿
 郡親御戎服次懷遠鎮高句麗懼乞降因送斛斯政
 政素與玄感善玄感反不自安來奔帝大悅班師新羅大饑沙梁宮諸
 舍人盜分倉穀有劔君者獨不受曰苟非其義雖千
 金豈可動心退詣近郎即花諸舍人恐言漏款殺劔
 君而召之劔君欲往近郎曰胡不白於有司曰畏我
 死而抵人罪所不忍也曰盍逃乎曰彼曲我直而反
 自逃非丈夫遂往被毒死高句麗嬰陽王薨在位二十九年
 異母弟建武立是為營留王唐武德元年新羅薛蜀頭隨

海舶入唐蜀頭嘗曰我國用人論骨品苟非其族雖有鴻材傑功不能自振我願西遊中華奮不世之略立非常後唐太宗伐高句麗自薦為果毅

深入疾鬪而死帝泫然流涕脫御衣履之贈大將軍

新羅王遣舒玄等率兵攻高句麗娘臂城州今清麗兵

逆擊羅兵失利舒玄子庾信為中幢幢主謂其父曰

庾信平生以忠信自期臨戰不可不勇乃跨馬突陣

斬其將提首而來諸軍曰奮擊城遂陷舒玄首露王後裔也潛通

肅訖宗女萬明後為萬弩郡守欲與偕往訖宗不許

囚萬明別室忽震屋門守者驚亂萬明逃出隨之任

舒玄嘗於庚辰夜夢熒惑鎮二星降於己萬明亦夢

童子衣金甲承雲入堂尋有娠二十月生庾信皆

有七星文舒玄曰庚辰夜有吉夢得此兒宜以為名

然禮不以日月為名今庚與庾字相似辰與信聲相

葉氏藏書

近况古人有名庾信者遂名焉庾信見麗濟鞞鞞侵

鞞國疆慨然有削平之志獨入中嶽石窟告天誓之

有老人來授秘訣又携寶劍入洞薄山告新羅上

天誓夜有虛角二星光芒下隨劍若搖動然新羅上

舍人實芳剛直為下舍人玆堤所譖謫冷林或謂曰

何不自辨實芳曰昔屈原孤位而見擯黜李斯盡忠

而被極刑佞臣惑主忠士被斥何足恠乎遂不言而

往新羅真平王薨在位五年無子國人立王女德曼唐

太宗亦遣使加冊命是為善德女主改元仁平德曼寬仁

明敏唐帝賜牡丹花圖并花子德曼曰此花絕百濟

破鏡相誓初父防秋衰病不堪行薛自以婦人不得
代君常憤鬱有嘉賓者願代父許之薛破
 鏡為信待成還成禮時國亂代者不至嘉實六年不
還父欲改婚薛不從將逃嘉實忽到以破鏡驗之遂
 為夫高句麗日無光三日百濟王璋薨謚曰武在位
 年太子義慈立義慈幼有孝友之高句麗復令東部
 大人蓋蘇文監築長城東北自扶餘城東南至海千
 有餘里至是十六年乃畢權近曰蘇文又曰築城招
附己者衆也惜乎麗之高句麗太子桓權朝唐帝遣
君臣不能察之於微也即中陳大德報之大德所至城邑託觀山水遊歷殆
 遍悉得山川道里險易及還備陳高句麗虛實帝於
 是始有東征之志百濟既取新羅國西獼猴等四十

葉氏藏書

城又與高句麗謀欲取党項城絕唐朝之路羅主告
 急於唐百濟將軍允忠陷新羅大耶城即今都督金
 品釋殺妻子自刎幢下舍知竹竹閉城門拒之舍知
 龍石勸竹竹降以圖後效竹竹曰吾父名我以竹竹
 者使我歲寒不凋可折而不可屈豈可死生降乎遂
 力戰城陷與龍石同死上遣伊飡金春秋乞師於高
 句麗欲報之品釋妻乃春秋女以故憤然有滅百濟
 之志與金庾信嚙指誓歸期至麗國請師麗王曰麻
 峴竹嶺本我國地若還兵可出春秋抗辭以對王
 怒曰之春秋以青布賂寵臣先道解道解喻以龜免

之說俗云東海龍女病甚欲得兔肝有一龜語龍王曰吾能得之遂登陸見兔極言海島安居之樂司負兔行峴山三里乃言其故兔曰吾神明之後能出五臟洗而納之日者少覺心煩遂出肝洗之暫置巖石之底而來若婦取肝汝得所求吾雖無肝尚活豈不兩相宜哉電信之乃還纒上岸兔脫入草中

春秋悟移書於王曰臣得婦二嶺可還王信之厚禮婦之高句麗蓋蘇文弒其君建武立王侄臧是為寶

截王貞觀十六年。蘇文一名蓋金姓泉氏自云生水中以感眾狀貌雄偉意氣驕悍其父東部大人

大對盧死蘇文嗣凶殘太甚諸大新羅遣使如唐

乞師文皇帝不許時百濟與高句麗命司農丞相里

玄奘賜璽書于高句麗喻以戢兵蘇文不奉詔帝又

遣將儼諭旨蘇文督使者囚窟室於是帝自將伐之

葉氏藏書

以張亮及李世勣為將進攻遼東城時遼東屬高句麗拔之

以其城為遼州又進攻白巖城城主孫代音出降以

其城為巖州高句麗將高延壽高惠真等帥其軍及

靺鞨兵來救之帝勅諸軍奮擊龍門人薛仁貴大呼

陷陣所向無敵麗軍大潰延壽惠真帥其眾降帝進

攻安市城城險兵精城主亦材勇圍城六旬交戰日

六七合衝車礮石毀其城堞隨立木柵塞其缺堅守

不下帝以遼左早寒且盡糧食勅班師高句麗東明

王毋塑像位血三日新羅大臣毗曇廉宗等欲廢主

舉兵屯於明活城王師營於月城金春秋督將卒奮

擊之毗曇等敗伏誅新羅主德曼薨在位十年有知
 幾三事見畫花知無香聞蛙知兵宮西王門池蝦蟆
 蝦蟆怒目兵士之相嘗聞西南有王門谷意有隣兵
 至其谷乎命開川往搜之果有百濟兵至谷掩擊盡
 殺預言死期又作瞻星臺及薨真德主勝曼真平王弟國飯
 女立貞觀二年唐太宗復伐高句麗以牛進達李世
 勣為將攻南蘇石城等拔之百濟將軍義直圍新羅
 茂山甘勿同岑三城金庾信帥兵拒之苦戰力竭軍
 有不寧子者銳意力戰庾信謂曰今日事急矣非子
 誰能奮勵出奇以激衆心乎不寧子橫槊突陣殺數
 人而死其子舉真曰見父之死生苟存可乎亦突陣

葉氏藏書

死其奴合節曰所天崩矣不死何為亦交鋒而死三
 軍感激齊進所向摧陷義直僅以身免新羅主遣金
 庾信伐百濟大破之佐平仲常言於王乃檣還品釋
 夫妻之骨新羅主遣伊飡金春秋及其子文汪如唐
 太宗見春秋儀表英偉厚待之乃許詣國學觀釋奠
 及講論春秋因請天兵伐百濟乃勅蘇定方帥師征
 百濟春秋又請改革服從華制留文汪以備宿衛春
 秋還至海上遇高句麗羅兵從者温君解高冠大衣
 坐於船上羅兵以為春秋殺之春秋乘小船得免新
 羅主遣金法敏春秋如唐高宗告破百濟相攻陷新

羅七城金庾信主又自製太平頌織錦為紋以獻又

擊破之斬殷相遣波珍冷金仁問春秋第如唐宿衛仁問幼而就學

在老年屠之說工隸書善射御新羅主勝曼亮在位

初改元太和後行永徽年號始受百官朝賀及薨群

臣立金春秋為王永徽五年○春秋真○唐遣使備

禮冊王詔書有難解處有名牛頭者能解之王曰見

卿頭骨可稱強首強首姓任使製謝表文工而意盡

王奇之初其母夢見人有角者有娠及生首角而慶

家女父令改新羅金庾信攻百濟乃比川城克之先

娶終不所度信知其可用令反問於任子曰兩國存亡可知先

葉氏藏書

若子國已悉之可歸報庾信末國已則我依于子任子曰

是并吞之新羅王以金歆運王壻奈勿王八世孫為

即幢大監出屯百濟陽山下濟人乘夜來襲羅軍驍

駭歆運橫馬握槊以待大舍詮知曰賊起暗中雖死

人無識者歆運曰既以身許國知與不知一也遂突

陣殺數人而死大監穢破小監狄得亦相與戰死步

騎幢主寶用那聞歆運死曰彼骨貴勢榮猶不愛死

况予生而無益遂赴敵死王聞而傷悼各贈官時人

作陽山歌以傷之又有沙梁人夫果驟徒兄弟亦死

於戰百濟王作望海亭與宮人荒淫耽樂佐平成忠

極諫王怒囚之成忠上書曰臣嘗觀時察變必有兵革之事敵兵若來使陸不過沉峴即炭峴在黃水不入伎伐浦江即白據險隘以禦之王不省死獄中百濟王都井水及泗泚河水皆赤如血又有鬼入王宮大呼百濟亡○新羅創漢山州壯義寺羅王欲伐百濟請兵於唐不報憂形於色若有長春羅即者曰皇帝已命蘇定方寺領兵將以明年五月伐百濟因忽不見王異之創寺以噴冥福長春羅即○唐太宗以蘇定方為神丘道嘗戰死百濟者也○唐太宗以蘇定方為神丘道行軍大摠管金仁問為副摠管帥水陸軍伐百濟勅新羅王為聲援王帥金庾信等出師百濟王問戰守便宜佐平義直以為先擊唐兵達率常永以為先擊

葉氏藏書

羅軍王猶豫未決問於輿首當以佐平曰白江炭峴我國要衝宜簡勇士守之使唐兵不得入白江羅軍不得過炭峴大王重閉固守待其糧盡卒疲然後奮擊破之必矣左右沮而不用及聞唐羅兵已過白江炭峴以階伯為將帥死士五千拒之階伯知必敗盡殺家屬至黃山猝遇羅兵鏖戰力屈而死定方仁問寺到伎伐浦濟軍不能禦唐師乘勝進薄都城濟王知不免嘆曰悔不用成忠之策乃與太子孝率左右夜遁保熊津城即今王宮諸姬走大王浦崑石上墮死者亦眾世號落於是王自熊津城詣定方降定方

以濟王義慈及太子孝恭陰演及大臣將士八千渡海還百濟亡自温祚開基歷三十王移都者四温祚都慰礼城近肖古都漢城文周都凡六百七十八年唐以其地分置熊津馬韓東明金連德安五都督府命劉仁願番鎮泗泚城

歷年圖始祖乃以東明之胤為太子所忌懼不見容逃難奔竄間關崎嶇至河南建邦設都雖萬事草創而尚能嚴兵固守禦樂浪靺鞨吞馬韓而滅之又能抗高句麗敵新羅成鼎足之勢以基七百年之業非豪傑之主能然乎多婁作稻田賑窮民

葉氏藏書

優禮大臣有人君之度然構釁新羅爭一小城數十年之間兵革不息已婁修好新羅得交鄰之義蓋婁雖史稱恭順納叛臣而失鄰和誣小民而亂其妻何足道哉肖古仇首歷年雖長無事可稱古亦喜遊畋未免禽荒之失然賑貧乏復租調官定制錮賦吏交鄰修好是足多者青稽汾西以千乘之尊不自慎重或死於敵兵或殞於賊手悲夫比流久在民間知民疾苦作其即位賑窮調乏史稱寬慈愛人庶矣而四十一年之間災變屢見飢饉荐至民不聊生何哉契王在位終二年但比流代汾

西而立其終也傳汾西之子契王契王代比流而立其終也傳比流之子近肖古尚有遜讓之風近肖古與高句麗失和至殺其主挑怨速禍世為讐敵兩國之間干戈爛熳而不已近仇首在位十年粗保其國枕流始信佛法迎胡僧創寺度僧欲以邀福踰年而薨佛不足信明矣辰斯喜土木甘遊改修宮室池沼以畜珍奇玩物喪志田於狗原或旬或月卒死行宮惜哉阿莘窮兵黷武殆無虛日民困兵革多奔敵國輕盾國本於島夷幾不得嗣

腆支久膺於外王薨國有內難返而得國何其幸

也(久尔傳之)毗有傳之(盖鹵盖鹵驕奢昏闇請上國款伐强鄰信敵間親昵戲玩大興功役惟宮室臺榭是崇是飾至於蒸土築城緣河樹堰伐石作榭人力盡悴倉廩告匱尚不知墮於敵國之術國勢魚爛而敵兵奄至噬臍無及身死人手尚誰咎哉傳曰國必自伐而後人伐之盖鹵之謂矣
(文周)嗣緒正卧薪嘗膽之秋而優柔不斷受制强臣身且不保(三斤)以童稚之年能命將討賊復君父之讐快神人之憤是可稱也而享年不永惜哉(東城)當國凶歎民飢不救起臨流閣極其壯麗遊

宴自恣閉宮門拒諫臣荒于遊畋久而不返為賊
臣所害武寧誅為加得討賊之義然失子民之道
不能勞來安集為敵國驅民前史稱仁慈寬厚何
耶聖王初立能斷大事國人稱聖逮至末年與新
羅謀伐高句麗不得其志背舊好發忿兵遂死鋒
鏑真所謂一朝之忿亡其身者也威德雖無德政
享國悠久惠王即位二年而薨法王繼緒崇信佛
教禁屠殺放鷹鷄焚漁獵之具創寺度僧蓋欲延
祚也而踰年乃薨多見其惑也武王恃強驕騫侵
掠新羅殆無寧歲干戈迭侵流屍蔽野唐皇詔諭

葉氏藏書

戢兵外雖陳謝而內實不然晚年穿宮南池起望
海樓遊泗泚河盤樂怠傲惟日不足國之不亡幸
矣義慈之為太子也事親以孝與兄弟以友及其
即位慮囚原罪其為政粗足可觀但其闇於大體
無深謀遠略不知新羅唇齒之勢安興干戈謀欲
吞噬今年奪一城明年奪一城席累勝之威驕氣
遽溢視新羅為囊中之物欲取之心豈然未已違
帝詔無釋之心結高麗絕朝貢之路猶且淫酗耽
樂杜絕忠諫天怒於上屢出災異丁寧譴告而猶
不省悟晏然自肆不能保炭峴白江之險唐兵一

至而社稷丘墟扶餘氏不祀忽諸嗚呼悲哉

故百濟王義慈卒於唐帝贈尉衛卿葬於陳叔寶墓

側新羅王金春秋薨在位八年子文武王立唐龍朔元年上謚

曰武烈廟號太宗太宗統一三韓時和歲豐京城布直租

五十民謂聖代后曰文明即金庾信之妹初后姊寶

兄山頂坐旋流徧國內覺后言后戲曰願買兄夢西

曰與錦裙為值後武烈納以為后

唐遣蘇定方領水陸兵伐高句麗論新羅王帥諸將

會代蓋蘇文遣子男生守鴨綠唐將契苾何力擊破

之。耽羅國主徒冬音律國主來朝新羅初高厚高

泊耽津來朝新羅時客星見南方太史奏異國來

朝之象也王嘉其來朝稱長子曰星其以動星象也

葉氏藏書

國號耽羅以來時初泊津故也○唐以新羅為鷄林州大都督府

以王為大都督。故百濟宗室福信等起兵迎立義

慈之子豐嘗肩倭國為王據周留城唐留鎮將軍劉仁願

即將劉仁軌與新羅將金欽伐之豐奔高句麗達率

黑齒常之詣仁軌降常之百濟西部人驍毅有謀畧

百餘城至是乃降入唐累從征伐積功為燕然道大

摠管後周興等誣告與趙懷節叛繫獄死帝詔留仁軌鎮守以義慈之子在京師者隆為熊津

都督遣還本國隆畏新羅不敢入舊高句麗泉蓋蘇

文死子男生伐為莫離支官名如唐其弟男建殺男

生子獻忠自為莫離支討男生男生走保國內城遣

子獻誠于唐求內附。唐以李勣為遼東道行軍大
摠管却處俊薛仁貴等副之帥師伐高句麗使金仁
問徵兵於新羅王帥師以漢城州以金欽純時度信有病留唐兵合新羅兵攻平壤城
仁問為將往助之時度信有病留唐兵合新羅兵攻平壤城
拔之高句麗王高藏降李勣執藏及子福男德男大
臣男建等二十餘萬眾還京師高句麗亡自始祖東
明王立國於卒本歷二十八王移都者七琉璃王都國內城山
上王都九都東川王都平壤故國原王復都九都又
移都平壤及東黃城平原王移都長安城
共七百五年唐分高句麗百七十六城六十九萬戶
為都督府置安東都護府於平壤以薛仁貴為都護

葉氏藏書

鎮撫之後移三萬八千三百戶於江淮之南及京西
諸州空曠之地

歷年圖曰始祖以英雄之資見忌於金蛙諸子逃
難至卒本披草萊建邦國未遑制作然威德日盛
歸附亦眾降松讓斥靺鞨取孱人滅沃沮雄據一
方虎視三韓何成功之易也琉璃以遺腹在他國
其承襲難矣幸而得嗣降鮮卑滅梁貊闢國浸廣
然情小罪而誅二臣惡好勇而殺太子是可嘆也
天武英明雄武拔怪由於微賤委豆智以軍國仇
都以貪鄙被斥敦素以智能見褒征蓋馬滅樂浪

扶餘奔竄而自避勾茶畏威而來降恢拓土守國
勢愈昌獨惜乎信夫人之讒有子如好童之賢而
尚不自明以至於死跡其行事其晉獻之流乎閔
中方喪宴樂遊政享年不永慕本暴戾不仁戕殺
諫臣其得善終難矣(太祖享國九十餘年耄荒倦
勤付托失人禍及忠臣爰子雖有闢土強國之功
何足道哉次大以寵弟窺伺大器積有年紀及嗣
位尚不悛心恣行誅殺天道好還其及也宜矣新
大逃難出亡國人歸心推戴立之宜先明吞夫弑
逆之罪以伸大義也而德其援立之功反寵任之

葉氏藏書

故國川以英明之資奮有為之志誅權姦訪遺逸聘
巴素於草澤擢為國相推誠委任又賞舉者誠衰
世未有之盛舉然後嗣不定死肉未冷于妃淫穢
濁亂房闈(山上)丞于妃得國清亂天倫所可道也
言之醜也(東川)天性寬仁有人君之量乃可懷忠
臣之諫侵犯上國驟勝輒驕及其一敗竄身狼狽
幾於亡國乎中川雖無德可稱而能辨寵姬之誣
殺之不疑何其斷也(西川)禦肅慎檀盧諸部震懾
晚年猜忌推刃同氣烽上閱狠尤甚殺叔及弟悞
諫自恣峻宇雕墻民困虐政卒及於禍(美川)早遜

東國史略卷之一
一
荒野備嘗艱險宜有德慧術智矣而無德可稱徒以侵犯上國為事故國原值慕容之變奔敗鼠竄母妻見虜父尸亦發城郭宮室焚蕩殆盡旄倪珍寶輸掠無遺幾不保社稷至於屈膝稱臣納貢修貢是宜卧薪嘗膽之時也顧乃忘我仇讎噬我唇齒構釁百濟血染敵鋒惜哉不獸林立大學教子弟似可與有為而惑於異端邪說邀秦僧創佛宇奉之彌謹為東韓佞佛之始主故國壤侵強隣擾中國干戈糜爛猶且事佛求福未獲而遽天惑紘廣開土雄偉有奇才能戰勝攻取長壽享年愈

葉氏藏書

長國富兵強文咨安藏安原皆中材庸主陽原武略不競國步日蹙平原遇旱而懼停無用之費捐不急之務勸農桑賑貧乏有足多者嬰陽初即位有志安民然不知畏天事大之義黨鞞鞞侵上國隋文命將來討舉國震恐宜効順悔罪之不暇方且伐新羅侵百濟喜兵樂禍復致煬帝討罪之舉百萬之衆度遼碣涉薩水擣巢覆穴不朝則夕不有文德之應變玄感之內叛則國之存亡未可知也榮留昏愚暗弱賊臣蘇文有今將之心而不能辨之於早馴致堅冰之禍款以弱制疆幾又不密

禍不旋踵寶藏為蘇文所立權移於下政不已出
國皆蘇文之國民皆蘇文之民專擅自恣窮兇極
惡違帝詔囚王人罪逆貫盈唐宗赫怒親將六師
討之雖駐蹕之役不得志而還高麗國勢亦岌
岌乎殆是蘇文之罪惡而亦寶藏不君之為也
厥後太宗之憾不釋頻年命將出師將欲再舉
此正君臣協力圖存之時也而主昏於上臣害於
下奢侈無度國事日非蘇文諸子自相魚肉至
於訴中國為鄉導雖以高宗中材之主遣一老
將一舉滅之摧枯拉朽高氏七百年之宗社一朝

葉氏藏書

丘墟悲夫

東國史略卷之一終

東國史略卷之一

葉氏藏書

